



e) OUTROS ANUNCIOS

FUNDACIÓN PÚBLICA ESCOLA GALEGA DE ADMINISTRACIÓN SANITARIA

Acordo do 2 de decembro de 2009 polo que se convoca o curso de diplomado en Saúde Pública para o ano 2010.

A Lei 7/2003, do 9 de decembro, de ordenación sanitaria de Galicia (DOG nº 246, do 19 de decembro), sinalaba que a Escola Galega de Administración Sanitaria se configura como unha fundación pública adscrita á Consellería de Sanidade da Xunta de Galicia, que ten personalidade xurídica e patrimonio propios.

Ademais, a Lei 8/2008, do 10 de xullo, de saúde de Galicia (DOG nº 143, do 24 de xullo), establece que se creará a Escola Galega de Administración

Sanitaria, que dirixirá a súa actividade aos profesionais da sanidade galega e aos demais interesados no desenvolvemento sanitario de Galicia, como un organismo dotado de personalidade xurídica propia e plena capacidade para o cumprimento dos seus fins.

Entre as súas funcións, a Fegas axustará a súa actividade aos fins de interese xeral e á execución das directrices de política sanitaria de Galicia e desenvolverá, entre outras, as funcións de programación e execución dos programas de docencia e formación, derivados da estratexia definida pola Consellería de Sanidade.

Neste contexto, convócase un curso de diplomado en Saúde Pública, edición do ano 2010, no ámbito da Comunidade Autónoma de Galicia, organizado pola Fegas e dirixido pola Dirección Xeral de Saúde Pública e Planificación, acreditado pola Escuela Nacional de Sanidade e que ten por obxecto a formación a nivel básico, en materia de saúde pública, dos profesionais sanitarios.

O curso terá unha duración de 275 horas lectivas, das que 200 terán carácter presencial, agrupadas en 6 módulos temáticos, e as 75 restantes corresponden á execución e presentación dun traballo práctico relacionado cos contidos do curso.

Sen prexuízo da elaboración do calendario definitivo do curso, as actividades docentes de carácter presencial realizaranse con carácter xeral en Santiago de Compostela nas instalacións da Fegas, entre os meses de febreiro e xuño de 2010, en horario por determinar. No caso de que por circunstancias excepcionais sexa necesario cambiar de localización, comunicarse aos participantes coa debida antelación.

O modelo de solicitude poderá recollerse na sede da Fegas ou descargalo da súa páxina web (www.fegas.es).

Lugar de presentación: os interesados deberán presentar a súa solicitude e documentación no rexistro da Fegas, nas súas instalacións da avda. de Fernando de Casas Novoa, nº 37, portal A, 1º - San Lázaro, 15707, Santiago de Compostela (A Coruña), ou por correo certificado. Non se admite a presentación por fax nin correo electrónico. En caso de presentación por correo certificado, na mesma data deberán enviar un correo electrónico ou fax indicando esta circunstancia, xunto cos seus datos persoais.

Prazo de presentación de solicitudes: será desde o día seguinte ao da publicación desta convocatoria no *Diario Oficial de Galicia* ata o 15 de xaneiro de 2010.

Santiago de Compostela, 2 de decembro de 2009.

Pablo Galego Feal
Director da *Fundación Pública Escola Galega de Administración Sanitaria*